



*Inatsisartunut ilaasortaq Najaaraq Møller
Inatsisartut*

**Illuanik titartaasarnermut politikki pillugit § 37 naapertorlugu apeqquummut
2024-169-imut akissut**

Brevdato: 22-08-2024
Sagsnr. 2024 - 14746
Akt id. 24405914

§ 37 naapertorlugu apeqqutinut akissutit ataaniittut matumuuna nassiunneqarput:

1. Naalakkersuisut nuna tamakkerlugu illunik titartaasarneq pillugu politikkeqarnissamut pilersaaruteqarpat?
2. Taamaappat, nanu tamakkerlugu illunik titartaasarneq pillugu politikkiornissaq qanoq akeqassava?

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanaoq.gl
www.naalakkersuisut.gl

Apeqqutit ataatsimut akineqarput.

Naalakkersuisut nuna tamakkerlugu illunik titartaasarneq pillugu politikkeqarnissamut periarfissat akuersaarpaat, aammalu innuttaasunut ilippanartunik sinaakkutinik toqqissisimanartunik, atorneqarsinnaasunik kusanartunillu pilersitsinissamut tunngatillugu taamatut politikkeqarnermi periarfissat takusinnaalluarlugit. Pitsaasunik titartaaneq inuit atugarissaarnerannut inuiaqatigiillu ineriartornerannut siuariartuutaasinnaavoq. Naalakkersuisulli Kalaallit Nunaannut nuna tamakkerlugu illunik titartaasarneq pillugu politikkiortoqartariaqarnerisul sulii inaarutaasumik isummernikuunngillat, siunnersuulli ataatsimut isigalugu innuttaasunut iluaqutaassasoq isumaqarlutik.

Kommunit tassunga atatillugu pingaaruteqartumik inissisimanagerat Naalakkersuisut tassunga atatillugu eqqumaffigaat, tassa kommunit najukkami pilersaarutit illoqarfiullu ilusilersornissaa akisussaaffigimmassuk. Taamaammat nuna tamakkerlugu illunik titartaasarneq pillugu politikkiortoqassappat kommunit annertuumik akuutinneqarnissaat pisariaqassaaq.


Taamaalilluni oqaatigissallugu pingaaruteqarpoq, nuna tamakkerlugu illunik titartaaneq pillugu politikkiorneq isumalluutinik annertunik pisariaqartitsiviussasoq. Politikkimik taamaattumik ineriartortitsinermut aningaasartutut aallarnisaalluni misissuinermut pisortani oqartussanik aamma pisortani namminersortunilu immikkut ilisimasalinnik peqataatitsinermut, soqutigisaqartunik workshopertitsinermut politikkimillu namminermik suliaqarneq matussusissavaat, Inatsisartullu aqqutigalugit tamatumunnga aningaasaliisoqarnerusariaqassaaq.

Naatsorsuutaavoq, politikkimik taamaattumik suliaqarnerup ukiuni pingasuni siviussuseqarnissaa ilimagineqartoq. Tamassuma erseqqissisippaa nuna tamakkerlugu illunik titartaasarneq pillugu politikkiorneq suliaasaasoq annertoq.

Tunngaviit pigineqartut tunngavigalugit nunatsinni taamaattumik politikkiliornermut aningaasartuutissat missingernissaat ajornakusoortorujussuuvoq, kisianni soorlu Danmarkimisut immikkut ilisimasallit il.il. suliamik ingerlatsinermi peqataatinneqassappata piumasaqataatit kisaatigisallu apeqqutaatillugit 5 mio. kr.-t ataallugit aningaasartuuteqarnissaq piviusorsiortuunerussagunangilaq.

Taamaammat nuna tamakkerlugu illunik titartaasarneq pillugu politikkimik ineriartortitsinissaq pillugu aalajangernissaq isumaliutigilluarneqartariaqarpoq, aningaasartuutissat inuiaqatigiinnullu iluaqutaasinnaasut eqqarsaatigalugit. Nuna tamakkerlugu illunik titartaasarneq pillugu politikkimik pisariaqartitsisoqarnermoq Naalackersuisut misissoqqissaassavaat, aammalu aningaasatigut, inuttut atukkatigut avatangiisinullu pissutsit taamatut isumaliuteqarnerni mianerineqarnissaat qulakkiissallugu. Inatsisartut aamma Naalackersuisut nuna tamakkerlugu titartaasarneq pillugu politikimik suliaqartissinnaavai, tamatumani suliamut pisariaqartunik aningaasaliinertalimmik.

Inussiarnersumik inuulluaqqusillunga



Erik Jensen